

# 東安縣志卷之四

## 東安縣知縣黃岡汪兆柯則亭纂

### 藝文志

夫文以紀實也顧紀實於古郡縣患失之繁紀實於僻壤荒陬患失之畧東安往鬱結萬山中固侏僂之故習男女歌唱之遺響也於文何有創建伊始聲教四達迄今二百餘年矣奏捷有疏勒功有碑毖祀有文述事有記有序政治之典要文物之菁華煌煌乎足經國而不朽矣若乃騷人墨卿登高眺遠以寫靈蹤以據藻思則紀遊題詠歸焉志藝文

### 奏疏

#### 大征三疏畧

督院凌雲翼

題爲恭報大征機宜疏其一總統將畧其二統督將領其三設監司官其四分布兵力其五轉運糧餉其六計用間牒其七申明賞罰其八善後事宜

題爲奉命大征功已垂成併預計善後之圖以保久安疏其一建設州縣其二專設憲臣其三

## 東安縣志

### 卷四

藝文

一

德慶新新印務書局承印

更置將領其四議處戍兵其五充實官軍其六調用官員其七開闢道路其八經費錢糧其九課程殿最

題爲肅將天威大征猺寇今巢穴盡平土守盡復馳報非常全捷疏奉 旨告廟宣捷各官陞賞有差

#### 總督凌公平羅旁猺寇序

瓊山海 瑞

國家統一六合雖在外聲教者無不欲其入我覆育生成之中粵東西設重臣便宜以控諸寇列聖相仍用此道也卽如羅旁一隅之患耳跳梁門庭昔者亦不一創之以致復有今儀開府計二百年地方凜凜不殊初日毋乃覆育之道講之有未至重臣奉行故事多闕畧歟夫兵武國之大事有七德焉急在戢兵安民保大定功不計區區獻捷之事也太倉凌洋山公得命開府代石汀公之後奮然曰羅旁之講今日亦後時矣門庭示弱而我又從而緩之也可乎遂申前議日咨訪夕籌畫諸凡調集兵餉練選才武相機肅令暨分哨道示所往雖行軍故事則然昔之人有行之者而公益加詳慎矣詩云有嚴有翼共武之服公其有之曩公兵備密雲予辱傾蓋一時倚馬談九邊事而公亶亶懸河曲折顯微罔不條貫天下事北難南易公不難其事於邊雲朔雪之際矣今日之役十萬衆若運之掌斧鉞所加勢如破竹矣夫豈偶然之故哉吉

甫之薄伐方叔之來威人人舉此比方爲頌而公且謏謏若思若畫有歉然無滿於是之意非公無滿於是也公之初意別有所爲而不在是也藉一時之雷霆收百世之雲雨奏捷之命將行而縣所之請遽上公之爲心爲計具於是矣方且自計便宜有命徹土度方扼險隘安置降人歷歷善後皆有成畫非苟言之實允蹈之王賜明旣克八寨欲改賓之南丹衛鎮其中事竣而請當事者認爲緩情因成寢閣今日有此舉有此後悔耶陽明平八寨而八寨存公平羅旁而縣所設陽明之於公何如哉夫粵東西事有缺一指畫棄前功者上首功則已之謂也有因一指畫收千萬世績者得其地疆理其地之謂也故予於是役不以震驚徐方周程伯爲公許特以徹我疆土召虎爲公德若使當公之任者惟公之爲至今日豈復有猺獞之梗豈復有年復年兵行之毒已乎公之功著在一時公之德垂及後日惟公不以久近便不便二其心是以能爲國家計長遠圖其大周書曰乃心罔不在王室用奉恤厥若公之謂矣瓊府太守唐可封同知楊繼文府判黃與儔節推劉學易荷公威澤鼓舞不能自己願余一言余亦澤及中人也念惟得有大焉大有自來因綴之以爲賀且用爲後公者告其兵行顛末當有紀其盛者矣不詳及云

## 開置東安縣城碑

工部尚書陳紹儒

## 東安縣志

### 卷四

藝文

二

德慶新新印務書局承印

皇帝仁覆八荒烈烈神武萬歷丙子帝命師征羅旁前督府司馬凌公雲翼師中條議善後開州拓縣規恢唐宋土宇版章經文緯武改瀧水縣陞州治州以東縣東安城麒麟石州以西縣西寧城大峒縣營二所南鄉富霖封門函口二縣四所雄分六城岳跨羅旁萬山千里納寸眸而拳一掌保治萬年麒麟石故稱風氣攸聚東安縣城成城週三百八十四丈高連雉堞二丈城門三城上樓櫓四城角樓四守望之舖二十四兵馬司六修修迤迤翼翼濯濯爰立縣堂正堂儀門大門後堂川堂各一左右廂房四東西卷房十贊政廳耳房庫戒石銘各一監房土地祠申明旌善亭照牆各一縣令之衙前後廳門樓後樓各一左右廂房六丞簿尉之衙前後廳門樓各一廂房各四爰立儒學爲先師廟爲兩廡爲戟門爲泮池爲櫺星門爲明倫堂爲啟聖祠爲敬一亭爲名宦鄉賢祠爲廨宇號舍倉庫庖湢繚之垣牆引之道術爰奠四民井居四隅屋千百餘所四方子來濟濟林林爰備典制分司城隍社學社倉教場山川社稷厲壇神人克協經始於丁丑閏八月訖工戊寅正月咸告成鳩工釐材原議一萬二千餘緡實費五千五百三十餘緡縮溢申乏省原議十之七咸有經紀厥知縣蕭君爲之若州守胡君相則爲之督理疲形瘁力以茲縣所各亟奏其功云蓋嘗聞之奮武之畧義勝則強域民之謀仁勝則昌非此道也雖因河踐華亡所用之嶺西羅旁在昔唐宋郡邑開陽正誼潛藩境土猺狼盤據殺掠數百餘年督臣疏勦帝令天討必誅一鼓殲彝斬俘四萬三千功與邊防等宣捷告廟威震南北

殊俗是爲義勝疆理城廓開創太平層巒幽昧日煥光明殘孽逋聚因而撫之獲知有生之樂材官精卒陳厥利兵分蒞諸司綱領馭以憲臣訓恩聳威禽息殘毒是謂仁勝語若善後機宜督詳府巡臺先今疏中疏凡六七上節重擇士而守擇民而遷參伍宋臣范公文正城大順之遺當其時皇帝廷頒敕諭節下司馬五申詔旨諄諄機宜詳審定畫毋貽後患以終前功如果不可訓化具奏征勦於乎聖神明燭萬里蕩蕩巍巍帝王仁義之謨文武長久之道也天地應而品物章君臣應而功業成光啟帝圖於斯爲盛夫王仁無外通其變始可經治於不窮近代羅旁王文成分區刊木未竟其策韓襄毅則痛單招王繼踵其奸王以叢林絕徼奇險容惡韓以顛倒是非狙詐浚削因之兇頑峙險賈怨寇攘數百年來無已時也監昔御今是誠有待今此遺孽檄授土田立之總目通互市嚴接濟廣衢路時旬宣尙簡易畧文法勵廉信崇德威而又書才賞勞幾先代謀靈衝電激指的而中庶其可哉漢建武中馬伏波征武溪蠻爲置吏司群蠻遂平國朝洪武張大宰戢寧滇南記表來哲今文物之國數十並齒中州通變宜民坐收宏畧此其故可知己東安經費程度成茲鉅美初知縣蕭君令龍門檄紀功羅旁廉正才俊移治新邑故能研諸皇皇之慮發斯赫赫之光運諸翼翼之思襄斯明明之績其斯保障民萌者哉是役也欽承帝命維夏防民前督府司徒殷公正茂今督府部院劉公堯誨前巡臺詹公貞吉龔公懋賢今梅公淳前監軍按察使趙公可懷今副使劉公世賞前參政蔡公汝賢今參政

## 東安縣志

### 卷四

藝文

三

德慶新新印務書局承印

徐公皆可張公明正前兵備參議徐公汝陽今兵備僉事侯公應爵得並書之知縣蕭君名元岡泰和人丁卯貢生

### 羅旁善後功蹟碑

總戒陳璘

天子在御之四年道化翔洽四方內外罔不率俾獨羅旁僻在東粵一隅猺賊獷頑累世爲梗於是督臣仗天威直搗其穴而殲之名在旂常勳越今古蓋茲十餘禩矣顧東西兩山正猺獞竊據之地今且建邑立州與大都頡頑而未能刻珉勒碑以紀其事遂使盛美弗著道路輿嗟璘竊以爲曠典不能無言夫羅旁東西延袤可幾十里自國初以來申國公鄧鎮討平之後叛服靡常撫剿莫定剿則依山爲固撫則其心必異歷二百餘年鮮有能得志者屬天心厭亂蠻運將傾先督府大臣殷公題疏議殄確有成畫第以他寇方張日不暇給然已發難開端矣後大司馬督臣凌公繼之不紹厥志多方集議定計誓師作攻取之士氣征兵處餉鼓疑畏之心文武士各盡所長東西省惟其所用進征分十大哨武爲統督文爲監督而監軍之權尤重用兵計二十萬主有土兵客有浙兵而狼家之兵尤多兵哨嚴而不漏分合詳而有法羅旁哨以屬原任都司朱鈺而監之者憲副劉公經緯也瀧水哨以屬都司劉天繼慶之者遊擊章延廩而監之者僉憲徐公汝陽也岑溪哨以屬永寧參將王瑞而監之者左江道少參秦公舜翰

繼之者分守倉梧道大參王公原相也陽春哨以屬遊擊楊瑄而監之者少參何公子明也新興哨以屬遊擊陳典而監之者大參周公浩也德慶哨以屬柳慶參將倪中化而監之者左江大參沈公子也伏峒哨以屬都司黃允中而監之者左江僉憲李公一迪也南鄉哨鄰信宜則屬之原任參將徐天麟茂名哨鄰新興則屬之原任參將侯熙而兼督之者亦新興信宜也信宜哨時璘以高州參將監諸武弁爲統督而監之者嶺西道大參劉公志伊也十哨之兵星列棗布而在適中割營者廣東總兵官張公元勳廣西總兵李公錫也監十哨者則廣東監軍副使趙公可懷也他若德慶江道則以陽電參將畫地而守亦屬之新興監督以防賊北道之津廣西容縣六雲則以潯梧參將王德懋領兵屯駐屬之蒼梧兵巡道王公一卿以防賊西奔之路蓋自始事以至凱旋行師甫四閱月剿平至千餘里積年蠶食之土宇悉歸版圖累世被戮之官民盡償冤慘計自兩廣用兵功未有并於此者也是役也奉詞討罪仗鉞臨戎者大司馬凌公雲翼主之監軍翼贊之十哨分任之而戶部尙書殷公正茂則首建大策兵部尙書譚公綸則多方指授其餘海陸兼資兵糧調度則兩粵之藩臬諸司及百執事多有勞焉詳在捷書中可鏡也地方旣平督撫大臣爰上善後之策當宇以爲然於是分東西爲兩山二山各以參將一員防守之山以東置東安縣山以西置西寧縣以瀧水縣適中陞爲羅定州治隸以二邑而控之憲臣協守之中路守備環之南鄉富霖函口封門四守禦千戶所大小相維軍民雜

## 東安縣志

### 卷四

藝文

### 四

德慶新新印務書局承印

居二山自是屹然巨鎮矣善後建邑之初聽民遷徙築城助工授田與世業璘於是時卽以高州改補東山加副總銜大司馬凌公面諭璘曰東山爾轄地也東山草創民未安輯爾旣有成勞且捐貲募兵以充戍守若能授田立家新附之民永有固志矣璘於是毅然承乏披荆剪棘又將十年之後有狼山之役今西山璘不能知卽吾東邑自令尹蕭公元岡首事以來規模具矣今令尹陳公公大復興廢舉缺百度聿新至使新造之區與象郡相等將繼是而理者易易也嗚呼大兵不發則一方受荼毒之禍善後不早則百年無安枕之期肆今狼煙息警山城如畫行者歌居者寧縉紳大夫士東西上下而夜柝不擊斯果誰之力哉璘不佞大征後築室分田以世茲土子九復經忝以軍功沐新命備員南鄉守禦之末則採摭盛事俾大司馬群公之不績昭然在人耳目億萬禩而不磨者璘之分也是用籍其先後次第詳而碑以附勒燕然平淮西之後若蕩蕩聖天子之威福則璘無得而名焉萬歷十二年甲申仲冬

## 邑侯蕭公去思碑

林承芳

余讀漢遷固史至循吏傳未始不歎良吏之難然其所稱循者大都皆用寬和教化馴擾其下不爲斤然可見之績史亦稱之曰奉法循謹可以爲理要未有開辟屯昧撫御陸梁令百代而下惟厥功者若崑陽蕭公是已蕭公始尹龍門會羅旁之役膚功甫奏當事者爲善後畫議分

羅旁兩山創東西二邑東曰東安西曰西寧請於朝朝報曰可然難其人當事者謂必得強勤惠敏廉公有聲者往蒞之乃哀衆議曰非龍門令不可於是公自龍門改東安矣公始至林菁叢密賊孽猶在兵者瘡痍未起民者歸附方新草野膏液邱原骸骨即稍稍自好不敢正目而視直當解綬去耳公披草萊親負畚鍤露立茅居畫柵而守徐乃作縣築城建學設社營倉庫定廬宇願耕者與之地助工者與之田編派里甲平定科賦櫛風而出戴星而入蓋夙夜殷憂心力俱殫而公不言勞且瘁也未及期年百度就緒幾三禩公以內艱行則焯然與名都故邑等矣予入其境副大帥龍崖陳公時同經畧備以公勲勞爲予抵掌予私心竊壯之曰新邑有蕭公復何虞哉今公去且十載凡所規畫鼎建后之人皆奉而守之不敢有加縣雖僻以文武進身者科不乏人則公造土之遺可知而土田日廣賦稅日充襁負日至生齒日繁何非公悉心而爲之地也士民樂享太平共圖厥始將刻石於縣儀門之外共請於予爲之記余曰良吏泯泯矣今之吏茲土教具意令民爲之碑民亦勉強惡逆其意而碑之耳夫公去邑已久豈誠有求於民亦何私於公者而勤勤懇懇久而無斁若是則公之強勤敏惠廉公有聲足以見當事之知人且予又得之目擊而身見者不爲之記奚諉哉余忝史職姑援筆而紀其顛末不日者固將躋公於循良之傳更以見公之所處眎漢世循吏爲尤難也公諱元岡別號昆陽江西泰和人今方以廉能擢陞南京刑部云

## 東安縣志

### 卷四

藝文

### 五

德慶新新印務書局承印

## 東山副總兵陳公志思碑

### 方肯堂

今天子在御之五年既平東粵叛猺於是分羅旁爲兩山各以參將一員領之其東山則吾龍崖陳公也初龍崖公以參戎守高州統信宜峭大征羅猺功在諸將右總督司馬凌公謂東山甫定非公鎮壓不可乃聞於朝加公副總戎自高州移鎮焉開縣善後凡九年而後有狼山之推去之日兵民軫接屬猺載道咸依然莫能釋公也於是戲下四營把總千戶吳廣百戶許應明等兩所掌印指揮趙應科百戶劉光祖等圖所以爲公紀去思碑者予謂人心難得也去後之人心尤難東山新鎮其兵則四募之兵也其民則新聚之民也其猺則初附之猺也是遵何道能繫人思且思之無斁一至此嗟乎兵雖四募而公統御之有法也民雖新聚而公安善之有道也猺雖初附而公綏服之有方也其治軍少有干三尺者毫不爲貸而平居撫循則若嬰兒愛子其畜衆雖勞來安集固有司在而兵民雜居有敢視民一蔬一縷者卽如令其撫猺隄防曲制潛消亂萌而耕有田居有屋薪蒸獵射人人自以爲得其性故雖却印奪檄常肆不逞而久之草薶禽獮不延無辜則諸猺屬思之矣雖挈妻負孳勞道路而漸之左右慰止生聚日繁則諸衆庶思之矣雖驕卒悍兵嘗一跳梁而旋就誅刈餘皆安堵則諸兵士思之矣蓋終始九年之中所以悉心竭智一一可爲碩畫而其大見於此三者今既去後然餘威遺德猶

昭昭然在人覩記固宜其震怖而思慕一至此也嗟夫公起家徒步爲國致身若征張璠擒朝曦斬凌珠敗官祖政以及平二源守英德勦羣賊於柘林大俘獲於歸善焚朱良寶而嶺東靖督信宜哨而羅芳清嘖嘖乎謂公爲熊羆虓虎之將誠足移凶除亂耳乃今知其控制東山直使遷任而人思之又思之然則公豈直能戰之臣哉蓋古所稱封疆能守之臣無踰公矣夫揮枹先登戰勝而攻取者士不愛其身猶能之至若撫新造之土地孚難一之輿情兵致其死民奠其居徭諾其教威畏之如神明心念之如繼母卽求之戰籍以來希覲也昔晉伐吳於時謀臣猛士未易更數乃羊祐僅以區區之信義綏之峴山一碑見者至爲墮淚則東山之人情所以思公者異時猶當尸祝廟食以識有永獨今日之思已乎哉公名璘字朝爵蓋由韶之翁源徙之東安云峇萬歷十三年乙酉夏

### 開城啟土告山川文

知縣蕭元岡

萬歷五年歲在丁丑閏八月二十二日丙午欽差總督兩廣軍門委官龍門縣知縣蕭元岡謹以豕一羊一祭告於麒麟石山川之神曰惟茲山靈爲群醜所濁穢者凡幾歷年所矣岡奉天子命以今掃蕩廓清之後建設縣治將關封豕長蛇之區而宮室城廓之用宏社稷人民億萬年無疆之基於山靈實有光也爰卜今吉命工須材啟土時申虔告惟神幽贊俾四方民大會百工咸勤功成不日以仰副聖天子之基命定命則自今以往之年神之愆祀益勿替惟神其夙夜圖毋忽

## 東安縣志

### 卷四

藝文

### 六

德慶新新印務書局承印

### 告城隍文

知縣蕭元岡

萬歷六年歲在戊寅夏四月望前一日乙未廣東羅定州東安縣知縣蕭元岡敢昭告於本縣城隍之神曰睠茲東安舊爲盤瓠酋穴也仰賴天子威靈一鼓殲滅攘荒剔翳開城置邑則神於茲日歆茲殷禮者實明興以來所肇稱也其職不爲尊且大歟岡奉天子命來官茲土專務人事典主神祭今者謁神特與神約外戢殘寇內綏初附均田里教樹畜通工賈聚財貨且也尙簡易畧文法不剛不柔從容以和俾自命伊始生生自庸是直在予若神則宜撰德生靈迨命百物回陽舒於陰慘之餘布春煦於秋殺之後開瘴癘而洗却灰時雨暘而殖嘉穀豺虎遠歛疫疾不侵俾我政興舉上恬下熙是直在神夫在予者予必舉其職以上紓天子南顧之憂以冥符神之幽贊若在神者以眎之予則其力獨擅而其功猶倍予將以是卜神之舉其職又以神卜之不予違而能踐其尊且大也謹奉瓣香以告神之左右唯神圖之

### 文廟立主告文

蕭元岡

萬歷七年歲在己卯正月乙卯朔越初八日壬子廣東羅定州東安縣知縣蕭元岡敢昭告於

先師孔子之靈曰巍巍先聖萬世之宗天縱特異繼善實同莫高者道扶輿與崇凡有血氣尊親並隆惟茲東安烟藪廣叢盤瓠負固題雕鬚鬢賴我天皇赫怒徂共元戎所指浮雲夜紅瘡痕漸起兇類滅蹤鼎建邑治復勤隍墉百雉維新保障增雄爰闢坎隅飭芹宮義路禮門起鳳躍龍疇茲戡亂默藉神功欣奉俎豆以爲折衝千秋永奠簋簋敬供丕揚文運卓振粵東神之樂斯寧懷岱嵩

## 鑿泮池記

羅定道洪有復

古學宮必有泮東邑學蓋缺萬歷二十三年四月邑令暨博士始度爲泮以表坊面於南坊峙而泮之觀益偉既謁予題其楔則又相率請記勒之貞珉稽古於泮訊馘獻功以俎豆飾司馬之政余不敢自遜軍旅記之曰士乎今可以學矣夫材非學不殖非時不因人文煥於綦隆兆自泂穆故繪基乎素火燃乎燧東方昧爽暘谷斯照非泂穆之休明與唐虞洪荒載闢文德以之誕敷商質既俚周文郁郁亨塞相環槩今古矣以而邑之宅遐陬異日者跳梁兢訐不能戢戈化訓遂使聲教采阻二百年來鞠爲荒莽我皇上德震縣寓犁虺蛇淵藪蔚以龍虎之文造邑建學與人事更始斯亦昧爽一時矣而邑壤盤錯猺獠邑吏逐逐錢穀甲兵間睨膠庠爲五石之瓠有司弗遑於學士奚由學夫豪傑振發罔基於藉而新沐者彈冠新浴者振衣邁會資

## 東安縣志

### 卷四

藝文

七

德慶新新印務書局承印

世不謂不待興也奈何將昭曠務迪而汶汶踵陋委古制於草莽典禮闇焉弗稱未有以謝章縫矣吾質此微示誚讓長吏無從置對迺今物軌備矣風瀕信頌思樂之矣有司克以鄒魯士視校蓋重待士也士亦毋阻於荒裔粵故尉陀舊封職方氏所弗錄及今漸涵棫樸聲明文物埒於中州東邑雖新造乎嶺以西疆土也頃者廣學宮增餼額聖天子嘉惠作新如此而有司奉宣德意如彼士視今日功令閔制於昔若何俛焉思奮完其所未學大之迪爲彝倫小之措爲百物廓而張之爲事業爲文章俾有司亦曰夫士於學何缺既克廣德心長順道己不兩相成哉玉人琢玉以登清廟不發璞則不珪璋計今時事之璞發矣余願士之底於珪璋而副有司以爲邑學重令卿廷聘博士梁兆電林思道是役也費公帑僅五十四兩有零工不踰月而規制咸飭著興學云

## 東安重建儒學記

狀元黃士俊

東安環萬山故猺狼藪穴皇帝御歷之四年丙子命督府出師平之置邑焉越戊寅前令蕭公元岡始卜城東建邑學天柱九星峙其後麟石天馬躍其前形勝足以孕毓英傑顧當薙莽披棘之會堂棟取僅完爾閱今瀕四十年所久而傾頽至春秋無以祀明禋權移別室青衿講肄又無問已歲癸丑溫陵田侯至布德修政百度維新朔望展禮覺宮顧瞻而嘆息曰興學育才

有司責也允若斯上非所以安聖靈下非所以安來哲其若興學育才何亟上記州守商公兵憲顧公王公達於制臺張公按臺周公咸報可爾乃鳩材致徒肇自甲寅冬十一月以乙卯春三月告成前爲戟門又前爲櫺星門後爲明倫堂祠廡齋舍奕奕改觀蓋地仍故基而制之閎敞倍昔諸椽宋甃甃礎礧級悉屬鼎新云余惟令長之理邑簿書期會徒爲居無赫赫名耳藉令有所更張豈不見奇表異要以風化所繫或多贅疣視而文具塗矧輪奐堂構征繕經營不諉曰執事之不閒且需異日候明敏廉平下車以來裁里甲之科擾革徵輸之奇羨聽斷無滯牘胥吏罔敢緣爲奸政行而安之熙如也頃南黎告警西狼伺釁蠢茲猱獠狡焉有響應之思侯單騎入叢菁深谷中理諭威攝猛乃戢志四境以寧逞邑學之初建也率取客籍之秀者充博士弟子員維今治教昭宣英才蔚起與計偕者接踵於賢書行將競爽中原無論客籍土著無不彬彬質有文矣侯公暇輒進而課藝談經懸以甲乙復不辭經營征繕夙夜拮据煥鬻序於一新也於是焉享祀瞻趨於是焉崇德修業所以嘉惠東人士甚盛夫教戰是路出入是門無愧其爲孔孟之徒也從此登亨衢展懷抱勳猷風節聲施無窮用能出善世而居善俗今日興學育才之盛舉庶幾可不負侯並不負州守若兵憲若兩臺允侯興教之意是役也計費官帑一百四十金餘俱出侯月俸南海蒙光祿紹箕以客籍捐大木三十株云侯名居中字公雨福建安溪籍晉江人由選元初令吾粵之始興起復補今邑邑尉王應翔南鄉所吏目傅朝

## 東安縣志

### 卷四

藝文

八

德慶新新印務書局承印

儀並分董理之勞得備列

## 東安重修儒學記

知縣呂 鼎

帝紘四關治化無外聖教亦無外養士必於膠序三代已然唯聚之有地而後師帥者得行其揚厲而快觀夫人文化成焉東安自開邑而學建宮牆規制恢乎巍乎爾時蕭君爲政創肇之功固莫得而泯已至卿君廷聘始鑿而泮之擴前陌爲賢路嗣後重收者則田君居中也迄今踰五十載所在傾圮且旦經寇燬數畝之宮半爲茂草予蒞茲土朔望展禮愴然心摧於是始爲修舉計或蠲或設以庀材用以康熙癸卯十月鳩工程食至甲辰十一月落成形家言門路向由坤位當改巽位則吉蓋取文明象也遂左之而廟而祔而戟門櫺星門而左右廡而明倫堂而齋衙頽者築之朽者易之丹之艘之景象煥然新矣不佞恭謁 文廟揖諸君子而舉手加額曰予今而益知王化之隆與聖教之大也東安屬在遐陬涵濡聲教輒科名蔚起與南國爭衡且聖澤萬古在人心隨時興起有墜必舉無廢不修猗歟休哉易曰革去故鼎取新聖教如日中天何故可革意者士習因循久則待振聊有取於日新之義乎今多士聚之有地矣乘此方新之氣益厲其圖益宏其抱則士風醇茂而德藝大成將克生濟濟維周之楨豈僅頡頑南國已哉志氣交動天人景從邑長吏與有光榮焉諸君子其亮予欲相與而有成也當不謬

余言矣

## 東安縣重修城隍廟記

知縣周維時

古之爲政者以事神治民爲要而神之有關於民社者若莫城隍故自立縣以來卽立有城隍之神神職其幽官職其明表裏訴合以綏安闔境之生靈自古迄今率由罔替東安在嶺西山箒之隅舊係瀧水猺峒萬歷初年始立爲縣隨建廟以祀城隍今年未逾甲而廟敝矣余不佞於崇正丙寅之夏捧檄來茲首有事於斯廟顧眎廟廡門垣悉欹敝不堪垂將傾圮余心戚戚者久之竊慨然嘆曰神與余均肩此邦民社而余力之所不逮者何限無一不徼靈於神奈何令廟若爾眸蠻有靈其將安妥顧雖以重修注念第不敢煩公帑而父不忍遽以土木從事也旣閱歲爲丁卯庶務漸通捐簿俸首倡之一時之士翕然樂從富者獻財貧者助力山居者木農田者精以至商者賈者遠者近者各隨其力而資其有於是遴張大奇朱文運等之端謹者董其役是經是營庶民子來有廟奕奕有寢穆穆廊廡翼翼儀門鏘鏘爰建外門以題其額煥然維新矣繁惟余有司之效敬於神僅此朔望拜謁春秋祀典而率闔境之生靈以倚毗於神如禦巨測之灾捍莫致之患福閭修之善禍因適之淫種種繁曠一何奢也我 聖祖繼天立極汰前代不經之位號而特稱之曰本縣城隍之神以縣而屬之神蓋顯托神爲此邦主宰余有司受命而來及瓜而往蒞縣能幾何時而神則億萬斯年永奠此邦無疆之休後之嗣余而蒞者當瞻廟貌之莊嚴而肅然敬事已經始於己巳年丁卯月落成於辛未年庚寅督工人役凡百與事姓名載於碑陰云

## 應宿樓碑記

知縣卿廷聘

羅旁舊爲猺蠻竊據盜賊淵藪不入版圖弗霑聖化迨我穆宗朝益肆猖獗劫掠舳舻度劉我人民大爲東西粵害維時中丞凌公奉天子命總督兩廣謂渠黨鴛鴦匪大殄滅之奚以寧疏狀以聞上報可以原任東山叅戎今陞都督副總陳公主兵事不逾年悉蕩平兩山在羅旁最爲要地弗設縣統治匪善後計中丞公又請西山爲西寧東山爲東安陞瀧水爲羅定州以二縣隸焉上報可復命陳公董勅縣治繕城築池建學立署時新創規制未備且卑狹溼濕令是邑者恒苦之每欲增擴竟以度支弗給阻余下車日值饑饉百務倥偬未暇計甫及三載民頗甦息始捐俸鳩集材工拓堂後餘地造建斯樓不動公帑不煩民役閱月餘告成因名曰應宿樓取郎官上應列宿意抑以民之麗土猶星之麗天民有欲而弗克從其若顧名思義何時叅戎鄧公同事茲土書額以贈輝映整麗稱偉觀焉夫斯樓也前瞻天馬後枕天柱左聳麟石右擁翠屏形勝甲嶺南諸郡邑一登而樓東山大概盡在指顧間矣然匪直爲觀望侈也睹形勝

當思蕩平之艱，瞰郊原當思和輯之艱，思厥艱圖厥易，民乃寧，俯無作於郎官，仰何愧於列宿哉？若登樓宴逸，適己，媵民俾人士目斯樓為怨府也，非余建樓意也。是為記。萬歷二十六年陽月重九之吉。

### 重修春牛亭

文昌閣記

知縣莊大宗

余於戊午仲秋來蒞茲土，下車問俗，出東郊三里許，有高阜焉，舊名文昌山，山上有亭，每歲立春前一日，令率僚屬迎土牛於此，其東建閣祀梓潼帝君之神，牆宇傾圮，上雨旁風，無所障蔽，神像黝昧，就滅，喟然嘆曰：士大夫奉王命宰制一邑，民生利弊，夙夜指畫，匪異人任，而一聽其剝落至此，時縣尉萬君即陳歷年紳士，僉謀重修之，故余領之緣，視事伊始，未暇議，豈越二年邑人士踴躍奔赴，鳩工庀材，故者革新者鼎，軒然翼然，迄有就緒，延詣余為之記。余思夫神人之主也，人事和會，則神靈嘿應。今聖天子在上，湛恩闡澤，海宇率被年穀豐稔，羣心預頤，而爾士庶於潤澤豐美之會，為神明鳩上木為鄉里，迓休和不亦善乎？且夫地靈人傑，古有之矣。我東邑創置以來，錦鯉騰於東，天馬躍於南，天柱星巖峙於北，峯巒秀出，賢雋迭興，術者謂玉屏西拱，太白肅殺之氣，演蛇以入，當建閣於東，以壓之，姑不知信而震東方也。主生氣凡有造作，宜趣旺鄉，矧夫青旂載指，四野生春，奎曜高臨，人文蔚起，而余於其間，撫禾黍之鬱葱，攬

## 東安縣志

### 卷四

藝文

十

德慶新新印務書局承印

星雲之煥炳，揮絃靜理以詠歌，太平之風揆，厥私衷良用，色喜是役也。一舉而富教備焉，罔拂衆欲，以徼神休，其經營也，浹旬而貽利也，奕世蓋工集而力不努，云時乾隆六年 月 日

### 遊九星巖記

縣定州鄭人達

上御極十一年，月次壽星，余行部東安，觀兵於北郊，飭戎事也。維時總帥在幕，執事在列，金鼓相宣，劍戟相薄，自千百夫長，以至十五伍，莫不決拾各耀其武，能有賞否，有罰無賞，校場當兩山之間，左若旗，其勢颭颭然，右若鼓，其形困困然，聯絡而西，為埠九遠而諦之，則有如鐘如屏如笏如剋如鐵柱之倚天，竚而望之前者如朝後者如伏，俯者如揖側者如顧，其錯落也如貫索之在天，其相盼也如率然之在山，其黛橫紫擁，日光掩映，髹漆相射也，如太阿出匣，赤精芒耀，不可嚮邇，余奇之，顧總帥陳君曰：此何名？陳君曰：是為九星巖，中有洞容數百人，自纜槍昏噎，猺穴其中，民被毒者不知年矣，曩大威震蕩，麗都治邑，妖氛始治，然鞠為榛莽，至者樵兒牧豎耳，於是命騶人披蒙茸，相接武，從容憑高而觀，隰者為山，深者為地，凡五八八洞門，捫壁而行，歷歷狀如陳君言，有世尊大士石乳之所成也，旁豎如玉筍者，復六七明瑩可鑑，若琉璃然，石乳穿地履之，丁丁有聲，志所稱猺吹之以號衆者，壁四隅有紋如繪，豈滄桑之始，靈氣所鼓，禽者耶？奇勝大類，端之石室虛敞，差不及藉，令移之通都，其召騷人墨客，豈少讓惜世無壺公，僅

當吾兩人之目也挽而出斜陽在樹煙光林薄丹黝相襲變幻恍忽白雲麟石之歌隱隱適有老父過其前召而指之曰若前有此乎是皆樂土狐狸竊以爲家今之鴛鴦躑躅者誰在乎天子湛恩遠暨既設司牧復爲千城貽若安至矣歸語孫子書可讀隴可田水可漁筍茹可飽如此樂何如焉老者曰俞吾儕旦夕邑父母之教如大人言陳君又曰爾識之勉爲良民母棄此樂煩吾兵士也言既老者去逡巡而別越明復舉故事則洞前之亭新矣予曰胡爲陳尹進曰此以寓蔽芾意陳君曰宜然請記之以重茲行予曰哂哉君不見李格非之題名園乎其興廢係洛陽盛衰吾與君輩藉天子寵靈兵民寧謐倘不矢心協共厥理欲重爲此遊得乎陳君曰然願公書之以爲訓予曰唯唯否否時非永元奚勒燕山續非伏波胡標銅柱錦石則誣黃溪則蕩予用是懼焉庸記於是舉今昨相誠之語令陳尹摩之復陳君且自飭之陳君名璘邑人陳尹名公大予同邑

## 九星巖記

知縣莊大宗

大地怪偉奇崛之氣轟於東南爲粵五嶺其介於粵東西之間荒遠險峻袤延千有餘里爲瀧州諸山瀧之東蜿蟺鬱蟠若斷若連簪笏劍戟之容偃仰向背之勢丹黝紫碧之色煙霞風雨之景則奔注而爲九星之巖嗚呼怪矣吾觀夫邵子皇極經世一書其言在天爲星在地爲石

## 東安縣志

### 卷四

藝文

### 十一

德慶新新印務書局承印

而春秋載星隕爲石五石聲精也天地交感必有應焉粵之名山川也其最夥莫如七星而端州以石室著通都大郡冠蓋舟車之所絡繹而輻輳也獨九星者僻於崇巒密箐之鄉騷人貴客鮮有過而剔抉之豈山靈所遭有幸有不幸歟然而今之日天開日晶晴雲卷舒於巖岫薰風噓拂於洞穴此昔之愁霾毒霧晦冥而堙滅者也嘉木叅天清泉漱玉花含葩而掩映鳥一聲而歌吟此昔之家猿獠而窟虺蟒者也葭簷成村雞犬聯陌田夫樵女晨夕出入而遊憩於其間此昔之山猿洞蠻弓刀相尋而蹂躪者也蓋王化之濡於今百有餘年矣吾因之重有感也山川之靈必毓於人而一二英杰之起不盡鍾於通都大郡而間出於下州小邑荒幽僻陋之區則此九星者安知不蔚爲怪偉奇崛之士而上應星精者耶考時勢也若此按形勝也若彼殆百粵中鉅觀哉雖然斯岩也天設之以慰吾風塵之勞以攄吾幽憂之思則亦不幸而僻於瀧東之也其亦幸而遇吾以發其光怪也眺南極之綿邈望北辰之高寒吾將摘星而問之矣

# 東安縣志序

四川參議袁昌祚

自鄧申國有羅旁之役瀧水始息猺患其後禁網疎濶猺復蠶食至於剽江潯爲兩粵吏民憂僅餘負郭數里彈丸爾頃賴天子之靈首允督臣殷公疏請繼以凌公總帥始定其地迺改瀧水爲羅定州就險要置領縣二其控西山者曰西寧而東安則縮轂東山之口初議據高而城會前令司徒郎蕭公往蹟其地弗善也請改建於黃姜峒地故平衍而形勝有加焉至於興學定賦諸所創畫皆足爲百世規而總戎陳將軍復自翁源徙家捐貲募兵隸藉耕戍世以扞撤茲土文武協慮民用寧宇迨今紹溪郭令公除戎造士益振前業與計偕者至接踵於賢書蓋不獨蠻俗襟裾提封盤石矣顧喟然慨志典之獨闕延集文學弟子蒐羅聞見稽以公牘諸體裁論叙令公以藻思自爲之始圖考輿地至藝文爲綱凡十緣綱而臚列其目又四之十業雖初縣而通都大邑之爲郁郁者亦較備矣竊嘗槩論其民俗有三曰客藉曰土暑曰諸猺而備諸猺當自齊民始何者土著多質悍利入猺爲雄長客藉多文巧利出爲圍奪茲固異時長孽之媒也故教化禁令二者於初縣最急今青衿而事絃誦客藉十九土著與猺環視而嚮方宜擇其稍秀而馴者教諸學宮務以揉化其習氣爲上不以博士文法束之庶漸而潛易其俗又必申固約束令民猺各有定業不相雜揉毋令戍者以時之稍寧也疎其防脫有出入爲

## 東安縣志

### 卷四

藝文

### 十二

德慶新新印務書局承印

利者法不貸如是而東安其將萬世利乎余聞令公之梁蒲竹徙富林增堡白梅覈屯介石賦剡協助爲程會以勸課諸生凡所爲業已備具第其觀時制變當機而注厝者則固原諸精神遽難以毫素寫也故曰繪水不能繪其清繪月不能繪其明繪圖志者不能繪其所欲自效之情信然哉昔有善相馬者自爲獨運其心詎能以語人乃盡取故法範金而鑄之爲銅馬式令觀者自按求焉則儀氏以口齒白氏以脣謝氏以羈羈其人與法具覩者故人人能辨馬若志亦令公之銅式乎其自申國而下斌斌質有其文武者世得以考鏡其中厥功洵宏遠矣會陳將軍兩遣使者介予里姻劉生發何生浩督言用徵信於首簡

## 東安縣志序

知縣郭

濂

考古都有志蓋本所自始而事綜其實也匪本匪實將奚信故志在新封創於無前垂於有永視舊都沿襲者更難之畧云乎哉東安爲五溪蠻部落水陸所輳兩廣交會而含谿懷谷且枕倚焉生其方者皆悍剽盤猺素非庭受兼之浪遊附起據土延袤草木不得墾闢而民無所食乃動大吏乞天誅疆理其畝而縣鄙之川澤溝瀆城廓宮室倉廩庫獄悉崑陽蕭公營勸維時四方民大和會胥相踵至邑之內外受廬者萬計連陽之民十居七八務農力穡尤甚土之自廣州者持牒開府允所請挾刺來學始建學而禮樂刑政度數文爲多所簡率此固其厄於時

耶抑制其經適其變而靡所裁耶不佞濂得蒙接事於茲四稔惟是不敢鄙棄具民以自封而部院藩臬惠鮮新造視他邑有加故士民衆指稟度矍然顧化無論庶政具舉民業有經私多積羨公無負逋且返淳政於區中子嚴父詔婦順夫指出相悌長入相孝慈此其政之成非朝夕之故而可爲來者告也顧政或時息告以言窮不如志之者之永圖焉濂緣政暇蒐羅羣言脫稿三易經之天文地理叅之食貨官政節之宜章典禮作之學校選舉而藝文而人物而宮室城池諸凡麟麟翼翼釐然備具奚啻本所自始而事綜其實云哉夫以一志而爲萬世傳信非濂所敢第俾後之觀風溯源者知斯邑創之難而政成之不易也若道洽世昌國殷人阜則東安亦爲華胥中之一邑當別有秉如椽以揚摧者在

## 東安縣舊志序

吏部郎中尹源進

郡邑有志是曰史翼夫志者一郡一邑之書也史者關天下者也古天子命外史掌四方之志入藏之王府太史受而總其成其後國自爲乘爰有百國春秋之目今所存者八國語七國策耳封建變爲郡邑迺其紀載之牒不曰語曰策而名之以志庶幾成周之制大一統焉紀事編年緣斯始矣志以備史故曰翼云而其任於守若令專焉者何職有所司而事有所立也呂侯稟之令東安也七載矣侯才周羣動治東安如擊小鮮東安萬山中頃當兵燹之後閭井蕭索

## 東安縣志

### 卷四

藝文

### 十三

德慶新新印務書局承印

宮牆頽圯羣不逞嶠負深谷敢捍吏法又邑處僻壤諸營健依宄爲崇民家有豚犢可當一醉者輒奪之東人士苦於兵苦於盜亦又苦於強食者非一日矣侯下車咨問疾若已則單騎抵賊壁門諭撫之賊悉解散已乃庭懸尺箠使盡知三尺可畏民困漸甦已有念學宮首善之地而城郭杠梁皆封疆吏用修職事者崇之飭之修之治之侯之明德遠矣邑治多名勝奇巒佳水凌土怪發侯皆以餘力治之文物之區雄於五嶺憶東人當沸湯待沃之時以媿今日譬猶雞之孚鸞卵而嫗伏之雛而引之粒未幾而羽毛豐美夫孰非侯也功耶侯政旣成頌聲四作因以書抵余曰邑必有志王制也念天子以一方之社稷民人界之司牧毋亦惟是貢賦戶口課我文事武備責我一奉成憲似可告無罪卽其間不無因革損益亦孰非斟酌時宜以廣天子德意其敢自以爲功然非著爲典冊卽何以俟後之君子也今幸而修輯成編公其爲我序之余手是編而益歎呂侯之才也余維先王設官分職以爲民極則一方之政皆天子之政也政有常經月要歲會與羣公共守然風會遷流鮮有百年無弊者易曰通其變使民不倦故救壞扶衰實藉治人迺聖王神化宜民率無有舍故府方策別張治具矧在羣工其敢有越於版章自作聰明以及其身者乎則邑之有志若是乎所關鉅也然而修之者極難矣非修之難任之難也長吏鞅掌簿書期會之間近且徵書繁急日以不及格爲厯何暇修也屬通邑大都或易於咨耆碩而廣蒐羅介在遐僻名流罕至誰擅三長誰通五始乎未能修也以他所不暇修

不能修侯獨慨然任之遂成一邑完書侯真才矣哉且非獨尊王制也語曰不習爲吏視已成事士人起家爲令長入其境而四履茫茫莫知所措手非有故實可稽何以蕭規曹隨觀若畫一耶故曰前事之不忘後事之師也侯廣羅博蒐務使七八十年而近者爲之增修補闕傳信將來殆亦仁人君子之用心矣余休沐山中聞一賢令如獲良友爲國家慶得人閱一善志如讀異書爲期廷明守法矧聲氣素孚如君侯者而能不躍然起乎唐虞三載奏績侯七載於茲不日膺晉陟之典入而亮天工熙帝載更以其良史才筆削是非者佐天子賞罰天下使聲教四訖萬國同文於斯舉先之矣康熙五年丙午秋七月

## 東安縣志序

州憲逮 英

志者識也識其政亦識其志也尙書所載多哲誥語其體未備而麟經則識周以來其言簡其旨遠弗可及也至史遷而輿圖紀傳風俗禮樂食貨藝文無弗志也則亦無弗詳也後世師之至於今爲法故國有史邑亦有志志卽其外史也歲丁巳僕以報最來守瀧州僻山險阻稱岩區焉而東安則固屬邑也鏡堂莊君以名進士宰茲上毅然有爲退食之餘爰修邑志甚盛事也溯東邑代受猺患自明季始隸州建縣陳太保之經營蕭司徒之安集其草創也疆域猶未輯寧原野猶未墾闢學校猶未振興風俗猶未馴習禮制物產猶未具舉蓋其時以勞來還定

## 東安縣志

### 卷四

藝文

### 十四

德慶新新印務書局承印

綏輯凋弊爲其他非所及非絀於才時勢限之也迨我 朝定鼎化迄遐陬東邑蒸然一變而張袁二尹緣舊志而後先增輯之治績始昭百度始振犁然煥然蓋六十有年所矣而後及今必將更有改觀者僕嘗以公經巡行其地而見乎山川蒼然城郭突然耕者耨於田讀書誦於室老者休壯者負桑麻鷄犬絡繹喧囂輒喟然曰山城安得此淳恬之治其循吏之風歟雖悍罔時聞然亦不下八九矣莊君之輯是志也紀其盛歟其亦有顧而色喜者乎抑猶未也僕將更有進焉夫以莊君之才而設誠致行圖終於始固將無所不可者乃今日疆域豈盡輯寧原野豈盡墾闢學校之內豈盡振興風俗之殊豈盡馴習繁而禮制隳而物產亦豈盡具舉披圖而考之按籍而求之沿革具在賢否昭如何去何從因時起事以潤色隆平當有不安於此者吾知其必有進也或曰君史才也出而爲吏非其志也是志也斯其志也或曰君非百里才也根盤節錯見一斑焉是志也卽其政也之二說者僕行將於莊君乎必之然則斯志也遂足以盡莊君之才乎哉

## 東安志序

莊大中

作吏而就縣令治縣而至荒僻險陋之區蓋其難哉聖明以民社畀我而一邑之生聚教訓環而責諸司牧之躬而又值崇巒峻嶺榛莽新闢地瘠而鮮豐俗悍而狃於習匪有所稟式以大

調劑之民弗寧此志之所以作也東邑自明季創置以迄今時逾百年治非一轍其間生齒之登耗田賦之損益禮樂刑政之張弛而沿革因時變通猶樸斲而丹雘之矣不有纂修曷觀厥備不佞<sup>大中</sup>以對策入選蒙 恩首簡爲縣令戊午秋承乏茲土既入境巔岼四圍崎嶇百折錯以千里之界轄以一里之城蓋嶺海之遐輒而猺狼刼掠出沒之藪也詢彼耆英攷諸圖籍而一邑之成書殘脫失次者六十年於茲矣不佞慨焉有重修之志其時案牘殷繁逡巡未果閱二年廼謀之同譜徐君孝廉葉君及擇邑人士之秀而文者博其叅稽勤其校訂而東邑之志成竊嘗論夫志者志也志有所不忍沒則述而識之以留之於無窮故徑情則俚塗澤則僞吾儒幼讀史書見古所傳循良以經術潤飾吏治者輒心焉儀之一行作吏日逐逐於簿書期會間鄙撫字爲已迂屏文雅於太贅因循倥偬以塞衆望卽百姓亦安藉此庸吏爲不佞用是自鏡而有惕然於中者攬疆域則思控制之方按戶口則思休養之術編賦役則思民力之何以裕紀膠序則思人才之何以培陳太保之擒蠻殲寇我東人聞而膽寒者也則思所以彈壓之以奠岩險之形蕭司徒之鳩工扈農我東人感而泣下者也則思所以綏輯之以蘇凋弊之景夫丁徇造固難而際承平亦不易方今 聖人在上閭澤旁敷聲教四溢荒服之偏隅炎裔之蕃族靡不稟和茹粹翕然與畿田同風而爲之牧者用汲汲於鞠謀其民而宣 上德達下情期無忝於生聚教訓之職他日者土田沃而禾黍豐俊彥興而簪組盛甘露時雨厥壤可游

## 東安縣志

### 卷四

藝文

### 十五

德慶新新印務書局承印

景星慶雲其文孔蔚不佞躬邁其會得藉手以報邑政之成與有榮矣是則區區修志之志也夫

## 東安志序

徐逢舉

彙一邑之山川土田學校人材風俗政治列而成書俾司牧者有所考驗以爲敷施典誠重也脫體裁不善或失則俚或失則華何以信今而傳後哉東安自秦漢以來代有猺患明萬歷四年勞師底定始建邑隸州萃四方之民而處之顧景運初關氣象猶草昧也我 朝定鼎德化維新深山猺藪莫不瞻雲就日而邑之袁大尹迺因舊志爲增輯以昭一統車書之盛蓋五十餘年於茲矣山川日麗土田日廣學校人材風俗政治日益隆非良有司踵而修明之將散佚者旣方冊無稽卽僅存亦者魚魯莫辨後之君子雖欲問途已經庸可得歟 邑侯莊公以名進士來蒞茲土期年政簡刑清披閱圖志慨然念纂修之難緩迺謀諸紳士叅之輿論以<sup>舉</sup>籍是邑且於公爲同譜授以指南定厥規模而後從事焉 固迂拙鮮通而事關鉅典不敢辭因偕同事諸君矢公矢慎刻意搜羅兩閱月而袖藁以進公遂出其才學識詳加考訂浮靡者除之殘缺者補之失次者序之言提其綱事總其要毋詭異毋苟同抑揚予奪悉折衷至當而不可易迺召梓人登諸梨栗而親董其成凡以一邑之紀載千秋之龜鑑存焉列憲之諮采備焉

九重之顧問係焉固宜鄭重如此且夫天地之精氣應候而開人事之機緘因時而起向之尹是邑者非無鴻儒碩彥可以躬膺筆削而必俟文明大啟之日天煥其彩地效其靈人挺其秀而是書乃因以昭宣焉是蓋菁華之氣與人事潛相鼓盪俾公棲鸞百里握茲權衡而適逢其會亦與有末光也吾見山川之潤澤土田之繁滋學校人材之奮興風俗政治之醇且備罔弗鉅細兼該燦然在目井井有條倘所謂質而不俚辨而不華者耶循是而考驗焉公之敷施亦可畧見一斑矣他日入直承明爲天子校書東觀且將齊踪班馬珥筆而紀王會之隆區區邑志豈能罄其涯涘哉

### 重建春牛崗文昌閣引

知縣汪兆柯

邑東三里有高阜焉城之左翼也舊名文昌山余蒞任之初因迎春典禮祭芒神迎土牛經履其地見亭臺遺址訪之士人皆言文昌閣故基後閱邑志知閣之建肇自開縣乾隆初邑令莊大中重修日久傾圮而山仍其名不廢或曰閣之廢興東邑文運盛衰所關也昔人論說詳焉余不佞不知斯閣之設果有裨於文運與否但以形勝言之城之北巍然而高聳者大紺山也城之南巖巖而峻峙者天馬峯也西則玉屏近逼高壓而東方青龍蜿蜒獨卑其於城不可言吉矣且帶城之水發源於茶洞紺嶺自西北而奔騰東注茲山適當其衝是下流之捍門

## 東安縣志

### 卷四

藝文

### 十六

德慶新新印務書局承印

華表也非崇峻聳拔難以敵三面之峯而迴狂瀾之勢又城者邑之主也官有署民有廬

聖廟

文昌

關帝

城隍諸福德之神環萃其中形勢不吉人神均難蒙其福而科

甲曷由臻其盛昔人建閣於義極精深余以壬午下車迄今五載鄉會越兩試而獲雋者無人其文運亦衰歇甚矣苟不及今振興之何以慰民望也茲幸二三君子與余同識而卽余謀所以興是閣者余既嘉其向善之勇而幸斯閣之有以圖厥始且更勸以資助之義而冀斯閣之有以觀厥成異日者東郊再歷山嶺重登俯仰之際將見翼翼者閣耶汨汨者水耶靄靄者大紺之朝雲而朗朗者玉屏之夕照耶佳氣鬱鬱浩然蔚然是昔之人發其祥後之人繼其美而文運蒸蒸庶幾相引於勿替也

## 稟覆

陳撫憲到任詢訪地方利弊事宜疏

知縣汪兆柯

某月某日奉

大人札飭照得粵東山海交錯雜以黎猺且地廣人稠番船雲集其間必須熟悉風俗隨時斟酌妥辦庶幾地方漸資整頓飭將縣屬山川形勢營制兵防以及商船漁船作何稽察會盜匪徒作何緝拿并地方保甲是否編查得宜外來匪棍能否不致溷跡黎人猺獠是否撫綏安靜此外有無應行損益變通之事各按地方現在情形詳晰稟覆總期言歸切當事可施行以憑採擇固不可輕議更張致乖政治亦不可意圖塞責潦草敷衍等因到縣奉此仰見

憲臺念切民生勤求吏治至意遵查<sup>卑</sup>縣地方東隣高要南枕新興西連羅定北接德慶西北與西寧接壤西南與茂名信宜陽春毗連袤延四百餘里大半崇山峻嶺不通海洋縣城東北一隅濱臨西江大河東匯端江南遠盧溪田地低窪夏多潦漲其餘田疇種植多藉溪源此<sup>卑</sup>縣之山川形勢也兵制城內向駐劄守備一員千總一員又於要隘之猪仔坪汎駐劄右營外委一員腰古汎駐劄左營外委千總一員皆帶兵防守此外額設水陸

## 東安縣志

### 卷四

藝文

### 十七

德慶新新印務書局承印

塘汎三十三處遇有匪徒會汎查拿其雲朋六都二汎濱臨西江大河設有漿船二號<sup>卑</sup>縣又向捐巡船二號派撥丁役坐駕與武營漿船在經管西江河道來往巡緝商船漁船編號印烙責成保甲水練稽查此<sup>卑</sup>縣營制兵防及稽查商漁船隻緝拿會盜匪徒之大概情形也伏查<sup>卑</sup>縣界處萬山之中樹林叢密最易藏奸二州八縣十屬交連盜賊時有出沒<sup>卑</sup>職抵任後研思撫綏緝捕之法竊意治內盜易治外盜難治陸盜易治水盜難蓋盜必有窩或三或五引類呼朋定有一駐足之處平時嚴查保甲寄耳目於衆人一旦有案迹其窩之所在先捕其窩主繼追其徒黨時時留心不遺餘力不患其不靖也至外來之盜每藏於隣縣接壤或三四縣交連之區捕者不敢越界盜賊遂藉爲逋藪每遇控告驟難弋獲然陸路之盜猶有形跡可以追尋水面之賊其來無踪其去無跡稽其船亦商船也核其人亦旅客也搶刦之後揚帆而逃日夜即數百里迨失主控具縣飭差拘已杳不知何往矣非多懸賞格廣覓線工十不一獲及至緝獲往往在數百里之外此水上之盜緝捕較難欲治盜者首在去其疆域之見不存推委之心見利不爭有害不避內與營員協力外與隣治和衷勿將有作無安心滋蔓勿化大爲小任意養癰庶內盜不致滋生外盜亦可漸弭至於俗悍好鬪人刁健訟廉恥喪而姦拐疊出恩誼疎而骨肉互殘尤異者男逐標攤而女供樵汲親安貧而子擅貨財此皆地方敝俗頹風宜隨時化導變更

者也卑職 愚陋之見未知有當政體與否再查卑 縣嘉慶二十五年曾有會匪劉品周等  
二十六名經前縣韓令按律詳辦今頗知懼卑職 不時出示曉諭勸誠俾良民不為匪徒  
所誘至縣屬舊有狼狽二種向化日久食德服疇與土著齊民無異近頗讀書知禮列成  
均人覺宮者亦復不少詢堪上慰  
慈懷緣奉諮詢理合詳晰稟覆  
憲臺察核伏乞  
訓示遵循謹稟

賦

麒麟石賦

以物華天寶人傑地靈爲韻

循彼幽遐詢茲奇崛眺多石之成堆詫有峯其如屹跨遠陌而風生憩崇阿而霞蔚宛標新於絕嶠佳氣盤盤儼聳秀於層厓靈光拂拂顯蒼昊之神工貢荒裔之怪物厥狀維偉厥名孔嘉仰眎絕特麟兮于嗟列四靈而稱首尊百獸以堪跨昔遊帝苑今走天涯溯軒虞其未貌息郊藪以爲家將鐘焉而昭瑞應抑蘊之以徵德華夫其嶺西攸絡瀧東是躔玉屏對擁星巖脈連靈犀猗猗踞其右天馬馭駘躍其前匪壯千仞寧陋一卷迺鎮斯邑不崩不騫削秀壁兮女牛之域變浮嵐兮離火之天則有林壑周遭罔巒環抱奇姿出衆壘平野而插層霄飛焰騰空豁陰霾而開仙島筇兮于以幽尋屐峻嶒而恣討洵巨霸之雄觀豈扶輿之愛寶方其竄獮狃翳荆榛猺穴獶巢之藪蠻姻蜓雨之辰毒瘴朝屯幽谷方疑豹隱妖氛夜熾深巖詎見龍馴迨夫元戎靖寇茂宰宜民勳齊嶺嶠譽勒瑤珉瞻爲靈之昭昭詠王化之振振爰喧傳於絕徼足驚賞於騷人邇乃骨挺嶙峋勢凌嶷宮墻翼翼望秀嶂以遄飛雉堞迢迢傍危峰而並埒鴻濛之草昧宏披大塊之菁華不洩上千星象崢嶸羅繡虎之英遙峙風標磊落孕騰蛟之傑若夫雲岫爭鮮煙霏吐媚晴塘似鏡以初澄駭石如峯而互倚挹飛泉於藕井嚼蘂分紅訪絕磴於

東安縣志

卷四

藝文

十九

德慶新新印務書局承印

梅巖剝苔拭翠藹瑤室之春芳鬱琳宮之畫閣增勝槩於蠻城應祥符於粵地於是僕也攬異古蹟嗜奇夙齡冥據巖穴載翫圖經探仙籍於麟洲路迷蓬閭指鴻猷於麟閣色動丹青撫寰中兮岝嶸夢天上兮瓏玲宣凝精兮爰極佇淡藻兮明庭宏景運於千禧召休徵於百靈

詩

### 九星巖

宋李熙載

巖穴玲瓏幾度秋，簪峯高插聳鰲頭。化人舊有阿羅漢，嘉客今逢老比丘。石罅日聞甘露滴，山間時見慶雲浮。靈岩特有南鄉設，從此生賢計不休。

### 九星巖

明李伯震

飛星化作翠芙蓉，貫索垂光應斗樞。赤豹守關依寶藏，蒼龍還鉢護神珠。月林香露飄金粟，陰壑靈風振白榆。爲紀重遊磨翠蘚，又從香積飯雕胡。

### 遊九星巖

兵備鄭人達

凌晨挾輕策，披霧天荆棘。望望新安封，山形何踟躕。尋溪路轉窮，巉巖亂相射。忽訝天河傾，纍纍落星積。苔青不計年，烟霾渾鐵魄。乍如蒼虬蟠，旋作封豕躑。低翻元武旗，直豎靈鼉革。變態起風雲，窈窕蛟龍宅。石乳滴琉璃，蝙蝠毛衣碧。砢砢相吐黯，吞淡互朝夕。疑疑有魍魎，潛我來應僻。易因之一燃犀，開尊布瑤倒席。映日光融空，洞霞城赤延。覽大奇絕咄，嗟仙人跡牢落。滌

## 東安縣志

### 卷四

藝文

二十一

德慶新新印務書局承印

澗間混沌從斯辟，遙憶古端岩。虛爽同標格，七星爛品題。胡爾獨蕭索，顯晦各有時。山花笑迎客，被野稻苗青。誅茅聯巷陌，行人紛往來。何必俱鄒澤，但勿掩攬搶。亦毋高太白，長作子雲居。時下王喬爲三十六洞天，嵯峨相烜奕。我將爲繪圖，萬年銘舜德。

### 渡程溪

檢討陳獻章

山作旌幢擁江，絳鏡面平舟。航乘曉發，雲日入冬晴。鼓到江心絕，槎衝石角橫。經過悅城曲，無語笑浮生。

### 九星巖歌有叙

肅元岡

余旣紀功瀧水，復捧檄開城。東山甫至，結茅九星巖畔。列柵以居，瘴迷日猿鳥愁。予獨與斯岩相朝夕，雖破斧缺斨，拮据靡寧。而九星駢別，其變幻詭絕，不啻啟甲乙之藏，發牛渚之怪。時一縱眺，目眇神颺，此身恍然在世外也。爰諷長歌，庸據幽思。巨靈袖手觀龍脈，嶂嶺崢嶸姿。萬疊巧成列，戟射炎蒼。幻作堆螺映霞壁，嶺南形勝故葳蕤。湧出東山鎮海陲，巖壑爭凌三島秀。玲瓏惟詫九星奇，九星連綿何所似。亂灑驪珠奔復住，蒙茸不礙峯。律形晴空，故寫蜿蜒勢。外標崇壁吐寒煙，碧洞中開種玉田。水月宵明窺佛影，靈鼉晝

響沸巖泉好奇無乃天公甚強鑿鴻濛利混沌復道西疑閬苑通雲根下逼滄溟浸伊余行役此經春拮据何能憚履薪畚鍤人煙開邑里河山風物變荆榛紀功敢擬燕然石一片忠肝貫寒日垂衣五夜坐華清椎髻千秋獻琛壁九星常映月輪孤氣卜金銀半有無青雀儘隨遊士賞白猿誰應老僧呼十年頓覺天南北翹首名山壯心熱誰其題者漢蕭郎來人爲讀巖間墨

### 麒麟石歌有叙

蕭元岡

余開城麒麟石城成欽定縣名爲東安隨有改補之命未幾鄉氓有獲虎以獻者因憶歲在柔兆執徐余方蓬蓁澄江曾夢伏劍斬九人於柱石之上有虎變麒麟騰空而去今茲之役適在紀功監斬之後宛宛廿年前夢裏事也豈非大定乎剖符之日感今思昔情見乎辭

東安城東一卷石翠壁蒼苔錦雲積青天幻出麒麟形頭角崢嶸凜如息豈爲磊落坊太虛故施鬼斧開神奇不然瑞獸遊茲土忽遇剛風變異姿浪說天台有獅子幔亭鳳凰亦徒似螭螭灘頭石萬堆蜈蚣嶺畔松千樹總輸茲石似麒麟真僞從看杳莫分秀骨宛籠煙作畫細鱗斜帶錦爲文更看飛焰抽孤石插霧鑽宵一千尺遠勢疑凌天柱峯風光倒映蓮花壁山靈久翳荆棘叢煙滅還將草木同殲醜旋開車馬境誅茅初滌兔狐宮登樓四顧河山勝忽湧麒麟相掩映位逼青龍起巽隅星臨紫蓋昌文柄嗟余對此重合情遙憶當年夢預呈虎變忽麟趾躍龍泉鮮帶血痕腥不堪俯仰成今昔猾賊羣劉濺袍赤百二方符戰伐功十年始悟麒麟迹人生建立信非常眞宰冥冥固未央但願祥麟遊帝藪振振遺詠滿遐荒

### 九星巖

陳公大

九峯高聳接三台洞府虛明特地開轟轟祥光隨景現巖巖氣象自天裁登高頓覺星辰近覽勝偏宜父老來爲道巢居皆禹甸萬山草木趁春培

### 九星巖

郭濂

誰將九曜列人間絕壁宏開古洞天石乳含晶騰紫氣曇花聳秀破晴烟萬山疊翠雲飛嶺一水澄寒月映川夜半步虛岩上立却疑身傍斗牛邊

### 東安八景

張其善

星岩勝概甲瀧東玉乳冷冷下碧空萬壑芙蓉生洞穴千林薜荔隱岩權雲根氣作朝朝雨石角聲含夜夜風琴鶴相隨宜此地振衣高上玉虛宮

星巖古洞

## 東安縣志

### 卷四

藝文

二十一

德慶新新印務書局承印

青螺千仞北城邊半壁擎宵帶翠烟勢似金莖承瑞露威如銅柱鎮炎天元戎昔掛征蠻劍父  
老今開種藥田捧日有心懸碧漢祇應雙峯共魏然 天柱擎空

城西一片玉屏開九疊匡廬競秀來石筍參差撐碧落蓮花縹緲映樓臺雨餘瀑布穿林下風  
起松聲拂水迴此地不殊勾漏洞丹砂采罷更銜杯 玉屏西障

奇石東橫錦鯉峯杉篁一半紫霞封苔花片片生鱗甲乳竇時時應鼓鐘人靜泉邊嘗洗藥官  
開岩際亦支筇雙瞳莫使僧繇點恐向天門去作龍 錦鯉東騰

### 遊九星岩

西寧令張溶

古洞陰深六月寒青巖翠壑坐相看到來法界身疑小滌去塵懷眼欲寬石角有聲通九曜雲  
根無恙濕千盤同遊勝引渾忘暮拆響城頭月照巒

### 紀俗

絕徼谿峒阻遐方節序溫暖蒸隨雨潤寒釀亦風暄濕瘴經春窳濃嵐近晝昏玉屏銜日脚天

柱矗雲根 玉屏天 靈竅聞呼召 星巖 炎泉佐炙燔 見西 層巖苔蘚蝕疊巘薜蘿援猺戶潛巢

窟狼兵長子孫負嶠蟠險域靡疊掃荒原荆棘初成路編茆乍作藩四圍青繞郭千仞翠當門

古木依危磴幽葩繚短垣芙蓉尋舊址 載古蹟 楊柳認仙源峴 聖 紅豆通纖徑白梅環小邨 紅豆

## 東安縣志

### 卷四

藝文

二十二

德慶新新印務書局承印

白梅地名 趁墟紛似蝥度嶺捷於猿地闢田疇沃年豐樹藝蕃秋塘浴鳧鴨晚社散雞豚樸齋風仍

古艱難力普存桼樵擔月上溪網掠波翻沮洳留衣漬崎嶇斷屐痕裏鹽蠻女出斲石洞丁屯  
霧浥藤花屋晴開柚子園鳥諳饒舌語草恨斷腸冤累歲烽煙靖連旬案牘繁未愁巖邑僻終  
覺訟堂喧化自偏隅理心期薄俗敦山城何以治撫字百年恩

### 春郊勸農

莊大中

路紆複嶺出平疇飛蓋山田亦小留幾寒暖風抽澀勒一林香雨叫鉤輶層陰細霽青浮隴夾  
澗新流綠滿溝佳氣郊原吾色喜漫攜觴酒慰粗糲

### 進西山

西山我東邑西境也密邇陽春於東絕不相屬明萬歷開置縣割附近今官民往來必假道於春邑或從河頭達黃灣  
水陸迭更踰嶺始至則又歷新興陽春兩縣界矣萬山綿邈跋涉經旬向請撥歸陽春彼此均便乃議者以紛更中止  
余行部至此爰作是詩

我徂城之南夾岸舟車聚

河頭界連新興水陸孔道

言從新州邁又入春州路放艇破江煙扶筇衝嶺霧

凌岡鬱岩崑循梯杳無數纔經疊嶂轉暫向蠻村住蚩蚩耕鑿氓樸齋遺世務美田沃新畬嘉  
圃紛茂樹搭寮漸成鄰趁墟各爭驚樂土識堯衢仙源問秦渡蠹茲峒中搖剽悍向多故狙獼

躡城邑蟠踞勢雄固重巒恃岩險榛莽竄狐兔思昔創置初割壤始分附蔓延數百里跋涉已云屢矧逾兩縣界呼吸咀晨暮因成腹心疾遂失指臂顧至今雞犬寧來往苦奔赴經旬徑未徧累日跡難駐官旣困巡行農亦病輸賦漫漫道嶮巖渺峯迴互勗哉守土者鞭長慎防護

### 瀧東八詠

邑志舊有八景內如伏虎施威貪狼布曜南山豹霧北嶠鵬雲未免點染之工非巖壑天然之致也而天馬大紺碧虛太空諸勝不與焉余蒞治半載簿書之隙頗事銜覽捫葛攀蘿幽賞忘倦擇其尤者分賦八章以貽同志匪曰嗜奇聊以俟訪勝者領天然之致或杖策聯吟爲山靈關一生面云爾

羣峯列戟勢聯綿仙洞雲開小有天碧乳晝凝珠作雨蒼紋春護玉生烟佛龕月印千岳寂蠻角風號萬壑傳夜半摘星長北望幾年身傍太微邊星巖古洞

嶽岑高與上清齊雲氣浮浮蓋嶺低金橘露垂尋古井碧桃霞泛近靈溪岩邊坐隱逢春早林外歸樵向晚迷仙合丹砂如可覓此來吾亦卜幽棲紺嶺層嵐

憑空幻田玉崢嶸角趾蒼然孕地靈秀骨已成標翠壁奇姿如畫插金庭綵毫事業凌霄漢繡紱文章象日星盛代聲明通百粵師師紀瑞應郊垆石麟秀聳

## 東安縣志

### 卷四

藝文

### 二十三

德慶新新印務書局承印

飛星化石翠寵從拱作城南屏翰雄駉英姿堪絕地驍騰逸態欲排空風駿霧鬣精神裏虎躍龍驤顧盼中不信周王遊八極故留矯矯落瀧東天馬雄騰

天然圖畫削芙蓉碧嶺丹崖點綴重濕霞暗生滄細徑飛霞孤映絢高峯藤蘿雨洗嵐光活松桂陰含岫色濃官閣清尊閒眺處捲簾無限翠雲封玉屏擁翠

圓峰突兀矗平疇縹緲驚看最上頭蒼蘚劃開千嶂曉碧雲撐破半天秋金莖貯露清輝滿玉笋含煙霽景浮應怪羣山太紆曲孤標骨相鎮夔州天柱擎空

清光如綫爍流星鑿破深岩照杳冥皎鏡一池澄窈窕明珠九曲透瓏玲仙牀雲臥人初靜石室風環戶不扃遊徧空山尋妙悟夜深趺坐誦黃庭碧虛夜月

城西一片白雲窩醉玩斜陽戀薛蘿千仞斷紅鴉背占萬里凝紫鶴身多煙村遠燒浮晴隴雲壑靈飈振暮柯相送鐘聲歸路杳月鈎遙掛碧嵯峨太空夕映

### 紺嶺層嵐次韻

諸生 林挺緝

山氣空濛覆嶺齊晴天未辨路高低芳池霧暗桃千樹峭壁煙含水一溪日斷殘紅無客到竹鋪垂綠有樵迷何時覓得丹爐處結箇茆亭傍石樓

### 碧虛夜月

諸生 蕭賢璉

洞門深處耀郎星飛旆平郊拂紫冥雕玉盤空增瑟瑟藥珠宮啟豁玲玲琉璃露冷穿雲竇蝙蝠風寒撲石扃欣賞頓忘秋夜永醉揮綵筆志山庭

### 太空夕照

邑拔貢徐逢元

何年鬼斧劈雲窩占得斜暉滿翠蘿已送餘光入林薄還留亂彩挂巖多間雲散陣歸青嶂倦羽爭栖戀碧柯一自鴻才遊賞後許誰高詠步層峨

### 太空巖

進士梁達士思平

誰破靈巖透太空洞天層闕翠微宮光餘蟾窟禪燈在徑接龍塘澤氣通怪石倒垂雲墮影山花飛落鳥啼風無窮詩思西屏晚更聽林梢度遠鐘

### 太空巖步前韻

邑舉人區履品

紅塵隔斷總澄空天爲山靈闕洞宮紺嶺北來嵐影翠鵬山西映石林通光涵金鏡宜吞月涼浸冰壺不待風萬井人煙環四面聽來朝暮一聲鐘

## 外事志

苟有關於政教雖小必志以其內也外此而人不齒乎政教之列迹不存乎政教之中濫爲志焉厥失則龐乃人不齒乎政教而政教足以化之迹不存乎政教而政教足以治之外也抑進乎內矣不志則畧志別於內事詳乎外以我政教之所及而志之亦以彼之初未得乎政教而外之也志外事

## 獠

獠人本槃瓠種卽長沙黔中五溪之蠻性剽悍輕生好鬪椎結跣足短衣斑斕言語侏儻兒初學步烙其跟蹠使頑鈍故能踐荆棘不傷其頑獷自幼已成出入挾刀弩多藥矢中之立斃隨山散處結竹木障覆居息謂之曰峯刀耕火種植豆芋楠漆爲利至地力竭徙他山家未有儲蓄也隆冬鮮被褥夜則難柴爇火羣向藉暖不善機杼烈日暴雨不頂笠惟覆以葵葉暇則相聚捕獸飲酒沉湎擊長鼓以爲樂男女婚姻多賽於祠或蹋歌相合則從而逃去三四年方回見父母面至忿爭之際雖至親亦手刃復讐蓋喜則人怒則獸往往嘯聚剽掠爲患其姓爲盤藍雷鐘苟前明設撫瑤土官領之俾畧輸山賦羈縻而已萬歷初復作亂會師

## 東安縣志

### 卷四

外紀

二十五

德慶新新印務書局承印

大征十道分勦所餘殘孽在東者設獠官四名獠總一名獠甲二十三名獠衆四百六十四名居二十二峒自後漸染民俗生齒日繁至有事讀誦而列子衿者然往往有奸民竄入獠藉紊亂舊章故釐正宜亟也 按世傳盤瓠氏爲狗種妻高辛氏之女生男女各六轉相配偶實繁育獠種不知帝女下偶非類此理所必無而世多言之卽其種亦以自疑存而勿論可也查縣屬舊有分路獠目四名南路上下二股獠目二名自萬歷初年隨陳璘征勦羅旁叛寇有功詳請世襲撫獠主簿職銜鈐束獠丁今北路獠目已革編甲約束現年南路上下二股及西路獠目共三名雲廉雲容獠總各一名歲給工食餘獠衆散處各路有事則檄令協守城池無事則歸耕云

## 獠

獠人性質羸悍露頂跣足斑衣短裙烏言鵠面產自湖南溪洞先入粵西古田諸邑佃作後聚衆稍多因脇田主據邨落遂延蔓而東初亦以佃田輸租爲名生聚日繁遂分各鄉間亦有入版籍者男以花幔加於首女衣裳多繡五采居常畏法不異平民及其惡念橫生則殺人如刈艾初時與獠人相讐殺有司及管田之家頗藉其力以捍獠人後勢重遂與獠人無異嘉靖二十三年倡亂爲禍最烈後大征剿絕殘黨招撫尙存二三百丁分拆東安日久漸衰

間有一二亦且混而爲民矣

## 狼

狼人原屬粵西土州狼兵向有狼總一名萬歷初年調勦羅旁猺賊有功給以撫狼千總銜鈐束狼人仍給狼田四十六頃耕贍遇地方有警調令裹糧聽遣無事則安耕爲民今縣之西北歌村十三峒卽其世居也俗羸鄙信巫尙鬼邇來漸染風化咸知禮義耕作誦讀婚姻往來與齊民伍斯則其狼習之漸馴矣

## 蛋

蛋人以船爲家以漁爲業性逐水草不喜陸處其卽叢薄之遺民耶東邑向無蛋藉而界連高要德慶之間往來小艇飄泊江上捕漁蝦易米度日蓋異籍之人居多舊有魚苗笱埠除業戶告承及詳請賞給近附貧民外尙存無主數埠就近查給本籍蛋民資生編戶列冊亦稽查之一道也

## 寺觀

北樓在縣治北萬歷五年知縣蕭元岡建康熙十六年知縣黃道焜置田三畝土名梯子嶺

## 東安縣志

### 卷四

外紀

二十六

德慶新新印務書局承印

文武二帝樓在西門外數武

東嶽樓在城東百餘步

歸一菴在城東石麟山下順治十五年參將劉君榮知縣呂彙同建置田塘共一十七畝土名石麟山脚建村等處康熙二十年知縣黃道焜置田六十七畝四分土名森木等處

馮都廟在城東南萬歷年建

玉皇殿在城東萬歷二十一年知縣郭濂建置田二十六畝五分土名九龍橋大坑邊等處

九星巖在城東北萬歷年間建

大生菴向在城南康熙元年知縣呂彙建置田一頃零十畝後因近民居遷於石麟山后

天后宮在城東北崇禎十七年知縣吳壽雷建

六祖菴在城北天啟四年知縣徐湯建

北辰宮在城東北踞九星岩之頂萬歷三十年劉允來等建

九龍菴在城西二里許康熙五十七年建

太空巖在城西鵬石堡天啟年建

迴龍廟在鵬石水心坪萬歷年建

富霖廟崇禎四年建

蓮塘菴在富霖萬歷三年建

天臺寺在富霖萬歷四年建

國龍廟在茶洞萬歷年建

鎮龍寺在茶洞萬歷年建 國朝嘉慶十三年重修十七年增祀 文昌

永華菴在留洞水口萬歷二十年建

迴龍寺在託洞水口天啟丙寅年建

雲青廟雍正六年建

青雲寺在紅豆堡雍正十一年建

棲賢寺在西山陽明都萬歷年建

興文閣在西山九甲康熙六十一年謝君璉等建置田作義塾今遷於棲賢寺下熱水湖

寶林庵在陽明都萬歷年建

碧蓮庵在陽明都九甲合水堡萬歷十年建

白雲庵在陽明都五甲萬歷年建

寶珠寺在西山下八甲萬歷年建

鎮安寺在紅豆堡萬歷年建 國朝嘉慶二十四年增建文塔於左

## 東安縣志

### 卷四

外紀

二十七

德慶新新印務書局承印

太平寺在大水堡康熙四十一年重建

福慶寺在寧坡堡萬歷年建

永福庵在三嶺堡崇正六年何應瓌建

福壽庵在寧波堡崇正七年建

三聖堂在寧坡堡雍正九年重建

天臺庵在石龍堡萬歷十三年建

萬壽庵在石龍堡萬歷年陳太保建 國朝道光二年重修

北帝廟在王羌堡萬歷年陳太保建

大覺庵在六都萬歷年陳太保建

貞元寺在楊柳都水口崇禎八年徐有序等建

燕珠寺在楊柳都康熙五十七年徐步斗建

萬福寺在礎石康熙四十八年建

珍珠庵在小河萬歷三十五年羅應良建

東雲寺在腰古芙二都康熙五十年建

虎巖庵在東壩萬歷二十五年建

三界廟在歌村萬歷年建

東安縣志

卷四

外紀

二十八

德慶新新印務書局承印

## 跋

古者外史掌四方之志小史掌邦國之志大國次國小國卽今大縣中縣小縣縣之有志蓋自成周時始矣由是而郡志而省志而一統志皆本邑志爲權輿是以一隅之公論卽繫天下萬世之公論也江淹有言修史之難無出於志鄭樵謂志者憲章所在必老於典故然後能爲之苟考之不詳覈之失實言之無文衡之倒置奚以昭勸戒而垂典型東安開闢在明萬歷時平定羅旁之東山割德慶高要春新之地附而爲邑規模甫立文獻無多前邑侯郭公濂始創爲志其後呂公鼐修之張公其善修之袁公承秦修之又其後莊公大中修之前此皆十數年一修或三四十一年一修從未有懸至今日若斯之久者八九十年來天時人事之轉移土田物產之蕃變民風吏治之醇茂文章經術貞廉節孝之挺生蔚起詎乏可傳毋亦官茲土者因循簡陋坐視殘缺而不之省將致後之人風土謠俗不及知興革張弛無所鑒也何以爲政耶今

邑侯汪公以名進士來宰東邑始至問疾苦勸農桑捐文法興教化百廢具舉無不犁然中窺越二年慎重開局遴邑中士授以指南使之參郡邑舊乘按吏胥掌故核故老遺聞分門析類爲之採輯公乃重閱記載獨攄心裁剔癥補漏綱舉目張凡在天爲星野氣候在

## 東安縣志

### 卷四

跋

二十九

德慶新新印務書局承印

地爲疆域山川在人爲兵農禮樂忠孝節義核其實不襲其文徵其信不取其似因畧致詳推故爲新有脊有倫無偏無黨而志事大備昔令尹子文舊政告新孔子以爲忠朱晦翁守南康下車首問郡志君子謂儒者爲治能知所重類如此今公治東邑正大明決溫厚和平而茹蘖飲冰一如寒素操是心以爲治卽操是心以修志志定而政俗成又俾後之問治者得手是書有所依據不至掩離婁之目塞師曠之耳庶幾斟酌

聖朝醴化於無窮也可以觀仁可以觀政可以觀教可以觀度是編有焉斯豈惟東民謳思當輿紺嶺瀧流俱永哉異日採之輶軒達之閣部登之國史公之經世大業不朽盛事亦因以見一斑云峇道光四年甲申正月邑人謝天保謹跋